

UA MAUA LE LAGO O TAU I LE TOU PITONUU

E mafai ona e fesoasoani e taofi le salalau atu – aua lava ne’i e aveese atu ni fualaau’aina poo ni fualaau faisua i fafo atu o lou fanua.

FESOASOANI E TAOFI LE SALALAU ATU O LE LAGO O TAU

O loo faagasolo nei suesuega a le Matagaluega e vaaia fale gaosi meataumafa le Ministry for Primary Industries (MPI), e tusa ai o le lago ua faaigoaina o Tau, lea sa maua i le tou pitonuu.

E mafai e nei ituaiga lago ona faaleagaina faatoaga laau’aina ma fualaau faisua a le atunuu, ma taofia ai Niu Sila mai le toe faatauina atu i atunuu i fafo o nisi fua o ana faatoaga.

A o galulue pea le MPI e saili poo iai lava nisi o nei lago i le tou pitonuu, e matou te manaomia la outou fesoasoani ina ia siaki poo totoe lava nisi o nei lago, ma ia faamautinoa e tou te lē o feavea’ia atu ma le lē iloa nei lago i isi pitonuu poo isi nofoaga fou.

FAAMOLEMOLE AUA LAVA NE’I E AVEESE ATU NI FUALAAU’AINA POO NI FUALAAU FAISUA I FAFO ATU O LOU FANUA.

Faamolemole aua lava ne’i e aveese atu soo se fualaau’aina, fualaau faisua, pe o lelei pe ua pala, poo lapisi mai le togalaau (e pei o lālā ua tatipi ese a o teu laau, o ni fualaau’aina ua leaga ma pala, ma isi mea faapena) i fafo atu o lou fanua.

E faapitoa ona tāua le aua ne’i e aveese atu ni fua o laau’aina poo fualaau faisua o loo totō i lou fanua, ia lē avatua i se isi lava nofoaga seia toe avatu se isi faasilasilaga.

E sili atu pe ana lē faia, peitai afai e tataua ona e aveese atu se fualaau’aina poo ni fualaaufaisua i se isi mea e ese mai lou maota, mo se faataitaiga, o se lunch o loo matuā afifi lelei, ae faamolemole ia faaogā ai na o fualaau sa faatau mai le faleoloa, ae lē o ni fua o laau o sou faatoaga o loo totō i lou fanua.

O LE Ā LE MEA E SOSOO AI?

E lē o toe umi ae maua faamatalaga (pe afai e lei iai) i le upega tafailagi a le MPI, le

www.mpi.govt.nz/tau-fly.

Fai ma siaki ane i lenei itulau mo nisi faamatalaga fou. O le a logo logo atu pea nisi faamatalaga i luga o ala o faasalalauga masani.

E ono manaomia ona oo atu se tagata asiasi o le MPI e siaki lou togalaau pe lē o iai ni faailoga ua oo atu i ai le lago o Tau.

O le a latou naunau faapitoa e fia vaai i ni faatoaga laau o fualaaufaisua poo kalone lapisi. Atonu foi latou te fesili atu e fia faatulaga sina tamai maillei i totonu o lou togalaau ina ia pue ai soo se lago o Tau e maua ai, (E lē afaina ai fanauiti ma fagafao i nei maillei).

Afai e latalata tele lou fale i le vaipanoa na maua i ai le lago o Tau, e ono avatu ia te oe sa oe lava kalone lapisi e lafoai uma i ai fualaau’aina ma fualaaufaisua mai lou fanua ma lapisi uma o au faiga togalaau.

Afai o loo e alaala i le vaipanoa lea ua faagasolo ai puipuiga mai le lago o Tau, o le a faatutū ni kalone lapisi i ni nofoaga e faigofie ona o atu i ai e lafoai i ai na lapisi.

Afai e te fia talanoa i se tasi e uiga i lenei mea, vili le MPI i le [Telefoni vilifua 0800 80 99 66](tel:0800809966)

[AISEA E TĀUA AI LENEI MEA](#)

Afai e maua ane ua tele nisi lago ua iai i lou pitonuu, ma ua mafai ona oo atu i isi vaipanoa ona ua feaveai atu i fualaaui'aina ma fualaaufaisua, o le a matuā faigata loa le galuega o le taumafai e tapē nei lago.

[FAAFETAI LAVA MO LAU FESOASOANI.](#)